

御選明詩

欽定四庫全書薈要

吉林出版集團有限公司
海 天 出 版 社

欽定四庫全書薈要

集部
總集類

吉林出版集團有限責任公司
海天出版社

目次

書名	卷次	頁次	作者
御選明詩	卷五九—卷八八		清・康熙四十八年聖祖仁皇帝御選
卷五九 五言律詩一〇		四五—一	
卷六〇 五言律詩一一		四五—二四	
卷六一 五言律詩一二		四五—四七	
卷六二 五言律詩一三		四五—七〇	
卷六三 五言律詩一四		四五—九三	
卷六四 五言律詩一五		四五—一二六	
卷六五 五言律詩一六		四五—一三九	

書名	卷次	頁次	作者
卷六六 五言律詩一七 卷六七 五言律詩一八 卷六八 七言律詩一 卷六九 七言律詩二 卷七〇 七言律詩三 卷七一 七言律詩四 卷七二 七言律詩五 卷七三 七言律詩六 卷七四 七言律詩七		四五一一一六二 四五一一一八五 四五一一二〇八 四五一一二三〇 四五一一二五一 四五一一二七二 四五一一二九二 四五一一三一三 四五一一三三四	

書名	卷次	頁次	作者
卷七五 七言律詩八 卷七六 七言律詩九 卷七七 七言律詩一〇 卷七八 七言律詩一一 卷七九 七言律詩一二 卷八〇 七言律詩一三 卷八一 七言律詩一四 卷八二 七言律詩一五 卷八三 七言律詩一六		四五一—三五六 四五一—三七五 四五一—三九五 四五一—四一五 四五一—四三三 四五一—四五四 四五一—四七四 四五一—四九二 四五一—五一三	

書

名

卷

次

頁

次

作

者

卷八四

七言律詩一七

卷八五

七言律詩一八

卷八六

七言律詩一九

卷八七

七言律詩二〇

卷八八

七言律詩二一

四五—五三三

四五—五五四

四五—五七六

四五—五九八

四五—六一七

欽定四庫全書薈要

集部

御選明詩卷五十九

欽定四庫全書薈要卷一萬八千五百五十九

集部

御選明詩卷五十九

五言律詩十

李攀龍

同皇甫膳部寒夜城南詠月

片月掛遙岑層城曳素陰寒分空樹淨影落御溝深結
冷悲羌笛勻霜上擣砧西園芳宴後白雪復誰吟

白雪樓

欽定四庫全書

御選明詩
卷五十九

諸郎難得意非是敢沈寘拙宦無同病清時有獨醒千
家寒雨白雙闕曉煙青又值高樓雁寥寥不可聽

聞砧

永夜廬家婦深閨坐自傷拭砧散明月投杵上清霜別
恨繁鴛綺哀音送雁行同袍征戰盡刀尺斷人腸

出郭

出郭隨吾適人家杜曲邊溪深紫去馬山路入鳴蟬禾
黍殷秋作茅茨足晝眠可能祛物役歸買汶陽田

詳校官原任主事
李斯咏

秋日村居

隱几憐清曉開軒命濁醪西風行薜荔白露綴蒲桃氣
逼蟬聲苦天含雁影高壯心堪自見秋色正滔滔
高齋清自掩遙夕病相看片月花間淨明河樹杪乾流
螢含火著宿鷺抱霜寒何限同袍意江湖坐渺漫

冬日村居

高卧堪人事幽棲豈世情老松寒更拙片竹冷逾清擁
褐江湖色鳴琴雨雪聲懶心常近傲不是學莊生

欽定四庫全書

御選明詩
卷五十九

二

遙夜冷幽獨南山傍戶庭泉流霜下白野色海邊青風
亂將殘燒寒疎欲曉星偶因樵唱起延眺及林垌

送潘潤父

搖落荒山道君行日獨深解裝迎暮雨秣馬發秋林
僕知鄉淚風塵見客心十年悲未遇歸卧惜湖陰

寄許殿卿

漠漠雨如沙翩翩燕子斜官貧輕逆旅鄉遠重攜家昨
夜懷人去春風撫歲華獨行臨御水問使到梅花

十五夜謝山人同李明府見過得宵字

客有山中約人來江上遙張燈傳綠筆換酒出金貂貧
病看交好文章慰寂寥天涯還此會留醉駐春宵

重別李戶曹

舊遊京陌滿何處珥貂行念子從王事令人識宦情春
風吹遠別芳草送孤征莫歎謀身拙前賢重請纓

秋夜

豈敢歌芳樹多時信轉蓬鄉心生夜雨客病卧秋風大

欽定四庫全書

御選明詩
卷五十九

三

藥三山外浮名四海中自知成汗漫還與衆人同

郊遊

何為驅車馬終歲慘塵顏偶出城西寺因看湖上山水
流芳草外人醉落花間復值巖耕客春風荷蓀還

王世貞

贈王山人

五嶽遊欲遍歸來鬢尚玄藏名詩句後避世酒杯前久
客鄉音改無家旅興偏翛然喚雙屐揮手向江煙

乍雨

細雨留高樹輕寒過小池劇憐初夏節却似晚秋時披
荇魚知樂憑軒鳥暗窺蕭疎故園思徐步欲何之

四月一日同于鱗子與諸君水頭放舟

歌管能回首輕舫自任風人家漁網外山色酒盃中心
事歡仍見年光醉未窮褰裳吾欲涉菰際忽驚鴻

過冶泉

偶經盤石坐下有暗泉過受月苔陰少分雲竹色多幽

欽定四庫全書

御選明詩

卷五十九

四

巖蒼樵斧小屋見漁蓑不減滄浪興風塵可奈何

不寐

襟被據匡牀薰爐裊裊香緒風低宿樹孤月淨無霜戍
鼓交偏緩寒雞報轉長不眠須起舞塵匣暗干將

懷柔道中

馬足吾何限山行稍自寬人家梅雨色衣袖麥秋寒過
瀑添新徑歸雲改故壑斷腸沙雁起一一向長安

太原道中書事二首

盤陀十二驛驛驛似西川畢竟中無地還疑小有天居

民同伏鼠宿客傍棲鳶不待蟬聲苦秋霜向鬢邊
不斷峰巒色何由見晉陽傍山兔三穴入地鼠千倉項
為泉奔瘦牙因粟熟黃吳免莫相笑風俗古陶唐

藏經閣西偏俯小菴畫溪

紺宇藏經閣春雲卷畫溪隔花催小艇落日在招提彼
岸如相引真源自不迷老夫緇閱罷隨意步東西

王世懋

欽定四庫全書

御選明詩

卷五十九

五

春日袁魯望見過分韻

河朔名仍在乾坤意未降酒人唯我共國士許誰雙秉
燭深良夜聽雞過小窓挂帆明日去春色動三江

過天界寺訪半峰師會師偶病強起留宿

匹馬到精舍悠然深薜蘿人聲入寺盡山色閉門多欲
問簡編絕無言鐘磬過心閒病亦好不為示維摩

毛公壇

沖舉何年事空壇尚此名泉疑丹井出草共講臺平地

盡山形轉林深水氣明班荆坐相視寂寂愧浮生

送陸元量出按廣石

繡斧下雕題花驄拂柳嘶霜清八桂外雲碧五羊西問俗安烽燧飛章散鼓輦君家一片石歸路好重攜

廬山雪

朝日照積雪廬山如白雲始知靈境杳不與衆山羣樹色空中斷泉聲天半聞千崖冰玉裏何處覓匡君

謝榛

欽定四庫全書 御選明詩 卷五十九

冬夜過雲翁留酌因赴西池君不果

眼前期不定萬事遠期難酒熟山人過詩成蠟炬殘柝聲連巷動月色滿城寒歲晚梅花發誰同雪裏看

客居即事

客居何懶慢過午尚科頭老得醫書喜閒增詩債愁春寒風偃樹天晚雪明樓莫謂常漂泊西來亦壯遊

春夜即事

春草非吾土春宵還自悲庭虛風稍靜簾捲月何遲久

病兒知藥長吟妻解詩他年學耕稼肯負鹿門期

春園

水村人寂寂遲日敞柴關菜甲春初細園丁雨後閒沙邊來白鳥柳外出青山此地多幽意行歌薄暮還

送杜太僕謫荊州

謫宦三千里誰憐賈傅才漢江秋月上楚岫夜猿哀心事登樓賦年光落帽臺知君最愁絕湘雁逐春來

夏夜獨坐披襟當風頗有秋意賦此寄懷

欽定四庫全書 御選明詩 卷五十九

散髮南樓夜翛然披素襟蛩聲依草際螢火落牆陰老破當年夢秋生久客心遙思苔石上坐聽美人琴

送樊侍御之金陵

地入維揚路天分牛斗壚秋帆二水外春草六朝餘冰雪生官舍風塵走諫書從來經國者寧不念樵漁

曉起

曉起正科頭時聞花外鳩出門疎雨歇倚杖斷雲流綠草偏依水青山半入樓況逢春酒熟不負嗣宗遊

除夕徐子與宅得年字

客裏歲時遷還來醉此筵吳歌連子夜潘鬢感丁年列
炬明深院繁星動遠天宮梅殊有意更向早春妍

寒食旅懷

薊北驚寒食淹留幾自嗟春風來燕子落日在桃花丘
隴行邊淚江湖夢裏家不知疎懶客何物是生涯

伏枕

伏枕無窮事虛堂秋夜深松低半窻月山靜數家砧老

欽定四庫全書

御選明詩

卷五十九

鶴同幽意寒蛩伴苦吟百年兒女計誰識尚平心

次張祜金山寺之韻

孤絕寒逾迥蒼茫夜不分僧歸依島月龍定縮江雲天
漢窗前合風濤枕上聞好沽瓜步酒詩思在微醺

秋雨宿權店驛有感

驛燈分暝色野館滯秋陰已倦衰年事偏馳故國心夜
涼槐雨滴月暗草蟲吟歸夢不知路千山雲更深

大梁冬夜

坐嘯南樓夜孤燈客思長人吹五更笛月照萬家霜歸
計身多病生涯鬢易蒼征鴻向何許春意偏湖湘

春野

去郭蒼茫色鴉飛欲暮天青天一筇外白髮萬花前春
事渾相惱人情好自憐踏歌時遣意平楚漫風煙

冬夜黃給事用章宅同張肖甫賦得中字

初逢青瑣彥下榻一宵同月落棋聲裏春回燭影中放
歌還楚調扶醉有巴童上苑遙相問梅花定幾叢

欽定四庫全書

御選明詩

卷五十九

暮秋即事

十見黃花發孤樽思不勝關河秋後雁風雨夜深燈留
滯悲王粲交游憶李膺相隨少年子走馬獵韓陵

初冬夜同李伯承過碧雲寺

竝馬尋名寺登高藉短筇飛泉鳴古澗落月在寒松石
路經千轉雲巖復幾重人間多夢寐誰聽上方鐘

晚眺

寒日下西陵漳河晚渡水孤城歸獵騎雙樹隱禪燈野

眺心何遠巖棲老未能翻憐戎馬日愁思坐相仍

登榆林城

憑高望不極天外一鴻過衆嶺夕陽盡孤城寒色多蘆
花滿亭堦羽檄度關河遙憶龍庭士嚴霜正荷戈

宿淇門驛懷孫方伯性甫王憲副廷瞻江少參

伯陽

駐馬淇門夕堂空暑氣徂亂雲闌樹暝寒雨驛燈孤身
計聊時序鄉心復道塗何當報知己秋雁滿江湖

欽定四庫全書

御選明詩

卷五十九

十

宗臣

月夜聞笛

暮雨浮天去寒雲歸峽遲青山饒遠色紫菊把新枝何
處風前笛頻停月下卮關河已搖落故向客愁吹

既賦金山篇寄子與復系之此詩

寄爾金山賦登山莫自歌恐驚明月去其奈白雲何夜
棹鯨波急秋衣蜃氣多憑誰慰搖落滿目是江河

渡江

秋風高不極破浪片帆輕鴻雁衝沙起蛟龍傍檻鳴愁
人芳草遠落日一江明十載風波事茫然空復情

聞雁

一枕何能得長愁至不禁魚龍殘夜笛風雨急秋砧天
入蕭森氣人兼去住心湖南有新雁作意送悲音

雨夜沈二丈至

榻有何人下君能此夜過寒蟬吳客賦哀鳳楚狂歌雨
氣千江入秋聲萬木多明朝寒浦望搖落有漁蓑

欽定四庫全書

御選明詩

卷五十九

十

秋夜顧二丈來集

少別已殘暑相看失舊容秋衣下風露夕草亂芙蓉世
故尊前盡鄉愁雨後重徘徊望北斗明月照千峰

徐中行

南溪放舟

晚山青似越春酒綠如澠中聖還徐邈登仙愧李膺高
歌傳上國爽氣度西陵却憶耶溪上蓮舟月裏乘

入桐江二首

煙嵐行路盡天地豁然開江湧青山出濤驅明月來瀨
聲喧倚枕樹影落行杯忽自吹漁笛寒星莽釣臺

奔流千折下峭壁兩崖分樵徑衝江雨漁舟宿嶺雲布
帆林杪見水碓月中聞獨有披裘客千秋不可羣

章行人景南署中送謝山人

閒署生寒早騷人入夜過砧聲風處急客思雨中多別
曲歌楊柳初衣製薜蘿明宵如見月相望隔漳河

過桃源舖

欽定四庫全書

御選明詩

卷五十九

十三

日日空山路寨帷無限秋千崖青欲滴萬瀑雪爭流絕
壑通雲磴懸崖倚石樓桃源如此地乘月弄漁舟

暮發滁陽

荒城一騎出落日萬峰西澗水流人影松陰散馬蹄懸
崖青欲滴芳草綠堪迷洵美非吾土翻然憶故溪

董體仁送余至固節旗亭飲別賦此貽之

自古銷魂地經過復此亭布衣交自重尊酒眼偏青柳
色春堪惜驪歌老倦聽因君懷舊侶落落歎晨星

梁有譽

歲暮集黎惟敬山房

雲木自蕭疎何慚大隱居雨殘三徑菊塵滿一牀書閉
戶鳥聲過移尊竹色虛滄江復歲晏誰念病相如

吳國倫

秋日匡山

采采涉江去芙蓉秋水寒如何雜佩色難共美人看灑
淚題雲錦含情束素紈不知彭蠡鴈曾得到長安

欽定四庫全書

御選明詩

卷五十九

十三

夏虞卿邀過梁氏園留題

不識西園勝因君秉燭過檻隨江岸曲堂抱水雲多百
卉延書帙羣星散薜蘿松間涼籟發彷彿聽絃歌

集新橋館

遠閣雲如水入門山滿堂煙扉生牖闥空翠滴衣裳石
暝猿猶卧松高鶴正翔居然成野趣不解是他鄉

西灣晚棹

一水南湖外逶迤白石門鳴榔穿曲澗排荇入深村萬

樹中流合羣山落照昏正愁高興盡漁父過清櫓

秋日湖上雜詠

鷺立湖心石魚吹浦口莎數峰排霧出一葦信風過落
日殘紅蓼新霜變綠荷客星從耿耿無復照煙蓑

宿順昌

三舍昭陽道其如風雨何白雲春望合芳草暮寒多造
次停車騎蕭疎向薜蘿山城更漏永欹枕問明河

宿瞿伯明新居留贈

欽定四庫全書

御選明詩
卷五十九

四

萬井羅江市君家却面山徑穿池樹僻堂抱野雲間與
客看垂釣邀僧學閉關偶乘幽興入高枕聽潺湲

濟州南池

瀑水侵階上危亭背郭開分荷移小艇取石坐深苔地
迴秋陰合軒空野色來誰能共心賞懷古正徘徊

夜雨挽舟上七里灘

岸束灘聲咽沙蕪石齒橫豈緣貪利涉亦復滯王程山
雨夜逾急野燈時一明客心雲霧裏懷古不勝情

魏裳

雪霽同友人登王子山

畏路誰能到幽懷我獨偏谷中初見日樹杪忽聞泉倚
杖青山色銜杯白雪篇交游仍舊俗風景又新年

汪道昆

院中九月桃花

孤亭依桂樹九月見桃花白眼繁春事紅顏逼歲華香
凝蟬外露色借霧邊霞避世甘浮海尋源好問家

欽定四庫全書

御選明詩
卷五十九

十五

漳州院中桂花

炎海愆花信高秋著桂叢衆芳蕭瑟後獨秀草亭中泣
露金莖似飛霜玉樹同明朝復長路開落任天風

桃源老桂始花小集花下

早棲依宿莽幽事在吾廬叢桂青林外庭柯白露初繁
陰團几席薌澤沁琴書金粟前身事淮南總不如

劉少仙招看紅梅

袈服出風塵幽人傍水濱不禁庾嶺雪旋入武陵春帶

雨帝紅顏迎風啟絳唇長鏡如有約谷口到劉晨

送張虞部謫常州別駕還娶觀省

謫去應吾道流言亦世情聖朝仍得罪郎署早知名落
日梁溪棹平蕪灤水城秋風回首地淚灑逐臣纓

汪道貫

贈鄧孝孺

聞汝幽棲處澄湖一片明青衿生事拙白髮著書成澤
國堪高卧山田足耦耕華陽仙路近千古傍茅盈

欽定四庫全書

御選明詩

卷五十九

十六

鄉榜被放作

得路難如此飄零似去年曉風池上月秋水鏡中天咄
咄悲生事勞勞問酒錢啼猿與征鴈總使淚潸然

汪道會

小園王蘭作花積雨未謝喜而賦此

小院孤芳早清芬玉葉寒皎如臨玉樹香似襲皋蘭雨
濯枝逾豔風吹雪未殘捲簾看不足秀色可忘餐

張佳胤

界嶺北望

北望成區脫霜空一嶺橫野煙邊騎獵寒柝戍樓聲峰
刺高天近雲量巨谷平微茫山盡處當日大寧城

宿黃牛峽

春到黃牛峽江辭白帝城楚雲高不落巴水去無聲絕
塞書難寄孤舟月更明櫂歌聽自短幾處夜猿鳴

張九一

元夕賦得火樹銀花合

火樹排虛上銀花入暗開一宵春色到萬戶夜光來對
月驚飄桂臨風擬落梅莫辭歸路晚攜得豔陽回

夏夜漫興

暝色蒼蒼至琴書燕坐幽虛窗偏駐月積雨自生秋送
酒陶潛徑裁詩謝朓樓三年淹客邸茲意未能酬

西瀼

東瀼與西瀼青天對落虹遠山虛自應流水曲相通石
瀨征帆過江臯晚樹空草堂長好在寂莫傍丹楓

欽定四庫全書

御選明詩

卷五十九

十七

聞蟬

何處蟬聲唱隨風過短牆却疑絃裏出故傍柳邊長萬物驚秋氣孤城入夕陽自憐雙白髮對爾惜年光

初至家陳道義瞿睿甫見過

歸及青春半芳園二仲來月生桐柏水雲斷景夷臺玉笛梅花落金尊竹葉開今宵張仲蔚為爾剪蒿萊

俞允文

獨坐

欽定四庫全書

御選明詩 卷五十九

七

獨坐高齋裏悠然向夕曛天空山勢出樹斷水光分遠色看成靄輕陰隨度雲谷中人世隔麋鹿自為羣

蜂

春晴逢穀雨汎濫遠林篁逐醉紫輕袂纏花獵異香叢棲懸玉宇疊構隱金房靈化知何術神功寄藥王

盧柟

遊成臯王城南園見水石漁艇

不作江南客空餘江上山水同明月靜石似白鷗閒仙

徑松蘿外漁舟蘆荻間相看渾忘却無復住人寰

戲寄孟龍川

舊日浮丘伯曾將王子喬周遊乘白鶴接引上青霄大藥留丹鼎天台度石橋不知千載後為爾一相邀

李先芳

秋日南園得深字

傲吏苦侵尋名園愜素心晚風隨徑曲秋色入林深家釀開桑落山翁卧竹陰柘枝歌正好小妓莫傳斟

欽定四庫全書

御選明詩 卷五十九

七

硤石舟中望宣城作

長薄帶芳洲支江繞郡流潭烟宛陵夕山雨敬亭秋溜急知湖口林喧指渡頭依稀沙渚上人吏待行舟

一齋

一齋容膝處高枕謝招尋稚笋初平檻新鴉未出林閒情芳草地春恨落花心更愛前溪好千章綠樹陰

江上晚行

褰帷方出郭江上欲黃昏却望東原道青山蔽縣門蟬

鳴月裏樹犬吠水邊村何處分漁火蘆花隱釣艚

雨中投仙姑寺

雨中投古刹江岸少人行立馬候松徑呼僧問寺名斷碑經火盡荒草入秋平惟有楓林樹泠泠清楚聲

春思

渝州正二月日夜雨瀟瀟石瀨添新漲江楓送落潮春催花影薄林雜鳥聲嬌楚客多歸思長天坐寂寥

灘頭

欽定四庫全書

御選明詩
卷五十九

辛

春江兩岸濶細雨片帆斜古戍收殘市寒潮帶淺沙風偏舟倚瀨春盡鳥啼花桑柘依依綠漁磯三五家

暮春

和風攪葦竹稚笋欲交加藻思添芳草春愁劇落花簷棲黃口雀林乳白頭鴉坐惜青陽暮空悲兩鬢華

立秋後一日助甫見訪得霜字

屏居對芳草同病喜相將闌暑人如醉新秋鬢有霜蟲鳴風雨夕螢點薜蘿牆後夜看牛女還期就一觴

伯宗席對月再別吉夫得聲字

幾醉長安月因君萬里行片雲隨袂斷疎影入簾清小徑花生色微霜雁有聲他時三五夕一見一含情

何明府邀宴荆山

名山堪載酒驛使暫停車斜日長淮水春風一縣花平崖喧立馬深樹點歸鴉更坐莓苔上殘尊照落霞

鄱陽湖

吳人臨古渡湖水接天開一夜南風起扁舟萬里迴波

欽定四庫全書

御選明詩
卷五十九

辛

漂星子縣雲沒大孤臺却望蒼茫裏匡廬秋色來

吳維嶽

寶應湖即事

遠水映空浮星分蘆荻洲魚鰕湖上飯簫鼓雨中舟擊楫成孤詠揚帆出亂流春還信可樂前路是揚州

贈沈丞之甌寧

一官知可薄其奈武夷山正好乘春水悠然出古關縣齋峯影下吏事酒杯間計爾傳詩日初遊九曲還